

「國家社會科學基金重大項目」

何建明 主編

中國地方志
佛道教文獻匯纂

人物卷

(59)

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂
人物卷
(59)



國家圖書館出版社

中國地方志佛道教文獻匯纂·人物卷

福建省 福州市

侯官縣鄉土志

清·鄭祖庚纂修

清光緒二十九年（一九〇三）修
三十二年（一九〇六）鉛印本

耆舊錄

內編二

學業

漢

董奉

董奉字公異精醫學與南陽

機字仲景官長沙太守

譙華陀

字元化舉沛國孝廉

稱建安三神醫流寓廬山爲人治疾不受謝人彊之則重者令種杏五株輕者一株每年貨杏易穀得二萬餘斛卽以之拯貧困卹行旅交州牧杜燮一作土燮病危聘奉往醫奉至變垂絕以藥活之燮懼疾或復發苦留奉奉不爲留方

欲厚贐奉忽報奉暴卒

蓋焚有異志
慮奉洩其謀

遂給其家謂奉未死奉

妻子仍賣杏頗足自給人感奉德爭資送歸之故里時候
官長某亦嘗爲奉所活者立祠祀奉吳人好奇附會以爲
仙去云

中國地方志佛道教文獻匯纂·人物卷
福建省 福州市

閩侯縣志

歐陽英修 陳衍纂

民國二十二年（一九三三）刻本

術數

黃徹閩縣人閩小吏也常衮爲觀察時有僧某者善占色言事若神衮惜其老命弟子就學其術僧云此事天性非可造次爲傳某嘗於君左右見一人可教遍招得徹衮命就學老僧遂於暗室中致五色綵於架令自取之曰但熟看之旬日後依稀認其白者後半歲看五色卽洞然矣命之曰以若閨中之視五綵迴之白晝占人可神其術因傳方訣且言後代當無加也李吉甫稱徹神占可亞袁許焉

以上唐

閩侯縣志卷百之四

方外

澧州瀉山臨祐禪師福州人也始究大小乘教後參百丈禪師一見許之入室遂居叅學之首

僧備聞謝氏子幼好垂釣汎小艇於南臺江上狎諸漁者年三十忽棄舟落髮投毬章開元寺布衣芒屨食纔接氣乾符中歸閩居雪峯山備與僧義存本法門昆季而親近若師資義存以其苦行呼爲頭陀一日召問曰何不徧參去備曰達摩不來東土二祖不往西天義存歎曰備頭陀再來人也梁開平二年卒太祖爲之樹碑學徒八百尊爲宗一禪師

文矩字子薰一字涅槃福州黃氏子唐末人生時火裏蓮開既長爲縣獄卒時時棄役往禪院聽講更不能禁後出言成讖厯厯如券文矩嘗詣西院法堂輪竹杖而入會有五百許僧染時疾文矩以杖次第點之各隨點而起閩王甚加禮重創崇福院于泉州以居之號慧日禪師

以上唐

居仁里元

行雲福州僧得異術言未來事奇中陳洪進甚尊禮之

無緩姓楊名安道侯官人祥符中來邑中住永福能仁寺始至爲眾說因果善惡聽者雲集一日謂眾曰吾教所說當嚴殿宇遂建大殿創方丈有安福州人少業儒長乃爲僧熙寧中至建陽一百二十里朝發暮歸有鐘樓頽朽人莫敢登安上解鐘如履平地劉朝奉祈嗣曰與爾一子某年某月日生可名姚哥至期果然

智海本逸禪師閩縣人九歲出家參廬山禪師入室頓悟宗旨元豐中詔住持大相國寺賜號正覺禪師

妙心侯官人怡山西禪寺行者也母患瘋疾妙心監作本寺碓坊因用紙糊一毬實以紙錢焚香告天曰某願破腦出髓救母餘年使紙錢飛灰外毬不損富有驗已而果然乃持斧置顙門以木椎擊之應手頭裂暈而仆有神呼之曰汝適禱何事迺不起耶始甦捫其頂髓已出如鴨卵殊不痛楚漫覆以藥急歸和髓煮粥一室皆香母喉盡手足輕快下床疾頓瘳時

王師必爲安撫使賜錢五十千緡二十疋以爲孝養勸士大夫作詩贊詠之紹興三十年九月也以上宋

正淳字古心閩縣人洪武中詩僧詠苔云青如蚌血染頰垣漢寢唐陵幾斷魂莫笑貧家春寂寞漸隨積雨上青門

法閩閩縣人鄧定之兄鼓山白雲寺詩僧

治上人福州神光寺僧精通內典戒行高峻與林鴻爲方外游

源潭天順中雪峯寺僧雪峯有二十四景源潭詠雪峯云瑤臺凍合深迷路玉樹花開半雜松藍田莊云松逕月斜巢鶴暝石門雲濕雨龍還無字碑云剝落舊聞惟薛跡模糊新樣是鵝涎萬松關云琥珀氣浮成翠靄黃金花落混香泥拂雲嶺云雲開鳥道層層險路入松關步步通懸月池云弄珠神女乘空去臨鏡嫦娥倒影看閩中詩僧此爲上乘

明秀侯官人嘉靖中鍾山寺僧有哭鄭善夫詩云少谷高人無日起百年清淚幾時收嗚呼滄海談詩夜翻作延陵挂劍秋又無可亦詩僧也有虹

閩系系百四 方外

二

周金果元

收千嶂雨潮展半江天之句世多誦之

道通侯官人與其徒七人居永福高蓋山飲水啖草禮念精勤六人皆以不堪引去有德完者獨堅持不少退歷十九年道俗咸皈依焉嘉靖末有道人圓滔者宴坐荒穢中久之頗能役使鬼神知人休咎道通過而呵曰大德修行迺使鬼神得窺其際非吾徒也圓滔震然幻心頓滅鬼亦不來以上明 以上僧

介談漢時人嘗隱方山

按方山今屬閩縣

今師白羊公杜泌受元一無爲之道能變

化隱形

以上漢

董奉字公異侯官人吳先主時有爲侯官長者見奉逾十餘年再見奉顏貌如舊日後居廬山爲人治病重者種杏五株輕者一株數年得十餘萬株買杏者一器穀換一器杏置穀少而取杏多者羣虎出吼踉蹌傾覆至家量杏一如穀數多少或有偷者虎到其家齧偷至死家人知送還奉叩頭謝過乃却使活奉每年貨杏得穀賑救貧乏供給行旅

以上三國

徐登者閩中人也本女子化爲丈夫善爲巫術

王霸自齊時父增渡江入閩善黃老術霸幼習之每登怡山經宿乃反鍊藥既成點瓦礫爲金是年閩中斗米千錢乃鬻金運米食貧者以上梁

黃太和侯官人好導引術年三十餘棄家入鼓山大順初跌坐蹇鼇橋黃璞遊山見之問其家世則璞五世祖也明日率家人往謁不復見以上唐彭耜字季益閩縣人蚤有文譽銓吏得選不赴歸師事玉蟾得太乙刀圭火符之術玉蟾謂於耜乃仙家父子也耜隱鳳邱山與妻潘蕊珠烹煉丹鼎後俱尸解詔封鶴林真人

張淡三山人初游武夷山隱其姓名一日登天柱峯半坐化石上旁有蟾蜍人因稱爲張金蟾迄今其蛻猶存

林文能號存心三山人博極群書頓悟元妙嘗獲銅符於換骨巖治病立驗善熊經鳥伸之術居大王峯頂辭召不赴賜號講師元泰定間無疾而化年九十五天鑑池側所遺石曰乃其結廬處也以上宋

司農系五十四

方外

林靖樂字紕素閩縣顯精道術兼通儒教任龍虎山宮事有禱輒應永樂
間賜道錄司右演法任武當太岳太和山大聖南巖宮提點都督黃介通
亦閩縣人龍虎山崇禧觀道士有詩集行世

陳鏗韶福州人年二十餘喪妻散家贅學長生術時至鼓山絕頂默坐竟
日久之能辟穀其父以爲病狂也拘繫之見其能數日不食乃舍之遂遠
游大茅武當諸名山數年歸以藥囊遺母後莫知所終母啟囊視悉乾桑
葉也以上明
以上道

中國地方志佛道教文獻匯纂·人物卷
福建省 福州市

烏石山志

清·劉永松 郭柏蒼編輯 清道光二十二年
(一八四二) 于麓古天開圖畫樓刻本

烏石山志卷之八

郭柏蒼兼秋

纂輯

劉永松筠川

邑人

黃宗燮肖巖

參訂

郭柏薌合亭

仙釋

昔程光祿以此山比道家蓬萊方丈瀛洲而金剛表
跡神光見夢則尤異矣固宜羽人過此停旌開士於
焉卓錫客有求九還丹參三乘禪者其必訪茅君於

馬山志 卷之八
二百三十七
故宅結惠遠之新社也已志仙釋

漢

何氏兄弟九人武帝時父爲淮南王客九人知王必敗
遂竄入閩居于山鑿井煉丹人稱九仙又嘗九日射
烏山上射烏山所由名也九仙初生目俱盲獨長者
一眼朗然如日爲諸仙前導及遊蒲遇胡道人飲龍
津廟井水眼盡開嗣從福清石竺山蒲九深湖各乘
一鯉仙去人稱九鯉仙四方乞靈多奇驗

梁

王霸自齊時父增渡江入閩善黃老術霸幼習之每至
怡山經宿乃返嘗登烏石趺坐大石上年三十遊武
彝積十六年始還舊居山南鑿井有白龜吐泉鍊藥
既成點瓦礫爲金是年閩中斗米千錢乃鬻金運米
食貧者後以餘藥服之旬日如醉於所居皂策樹下
蟬蛻而去

唐

任放天寶中修真於大鵬山又嘗於烏石鑿井煉丹後
上昇人遂呼大鵬山爲昇山稱西峯仙人云